

www.BibleForChildren.org

Matiu 8



Met paru Galili zeisikaz nonoroh soohan aliz nasikaro bon tahan zeirevaizasik Kena zeipotak sahan aban nap añap bapanez tahan parupimeri topourat gipiz nohot hehaek, lesuz nonop honeo poek heh. Tahan lesur pim mañairooh-abanariz amun as hahan poek sat heh.



Tat modarinañ paru mapori gipiz nohot hehan bain ivov bon tahan lesuz nonop sat piin epat mañah, “Nem rop ae, bain ivov bon tah.” Pot mañahan nonop hatevetevai am gogot tooh-abanarin epat mañah, “Pihö petev arin añapanezat am tei,” pot mañah.



Met iv ñerë poñ ivov bonoñ rouvaehan
lesu etet gog abanarin epat mañah,
“Met ari iveñ holat emat mañar meepeken
iv ñerë epeñik map beo rezap.”
Pot mañahan paru pim mañahat tah.



Tahan lesu parun maot epat mañah,
“Iv ñerë okoñikanañ iv nao maot baholat
basat gipiz epataz koravop manei.” Pot
mañahan paru hahat tat basat manah.



Tahan aban pop et ivov bain ivov ravah-pov nagiz tat
hatevetehan muzeo ahoam tahan paru taekanañ iv pov
holat bat emat manah-povoz
pi hodad nat, oñ paru ivov
holat bat emat manah-pori
hodad hatat heh. Tahan
aban gipiz potaz korav
ravat hehap iv pov nagiz
tat aban añap
bapanez tooh-pop
topour povok bain
ivov bat emah,
povoz pimaz
as hahan
emah.



Tahan piin epat mañah, “Met darim tamegit epat hez,
Met aban nap bain iv muz tinao garos pimeri
manamahan ahoam namahan
met tokat bain iv aviam
muz tamahao manamah,
oñ dari ev het ahoam
hainegiek ni petev gog
abanarin mañeñin paru
bain iv muz
tinavohar bat
emat nanahan
nohon muz tah.”
Pot pi aban
añap
bapanez
toohapun mañah.




Met porah Galili zeisik Kena zeipotak
lesu kapot tat gog pot tahan pim kez
ahov ou ravahan pim
mañairooh-abanari pim
kez povon etet pimaz
homeo badae batah.



Pot tahan Iesu sat Pitaz zeimakeh
lokat etehan Pitaz añ lelamap lam
mid midiv ñadohot orat hehan, . . .



. . . etet añ popuh maras pi ut urahan tin ravahapuh bal
hat lesuz gipiz bareñat tezat manahan nah.




Met gitap bañodahan añarab zeï potakari parum lam
navor nao tat heharir pituhol menat hehari bat emat
lesuz zeï heh-pomakez
haitokoroh mapori
topourat heh.



Tahan lam navor nao tat heharir pitü añaraboh menat heh-pori lesuhö map batin batah. Met pitü pori lesuz kapot paru hodad, povoz paru bar hapanen añarab hodad tapan hezavoz pi pitü porin ah ñeo mañat ruahan sah.



Met paru mapori batin batohopanez kezao ahö lesuh
heh-pot paru hodad, povoz pim nakoe emat parum
marañ pih ut urat tin ravapanez hat rez kin kin tooh.



Pot tat hehan lesu baiñetinao mañoohan aban nañariv
nañariv aban eñar mar ñomat hehap bat emat etehan,
paru map atalip tat heh.



Tahan paru pot nae nap
mañah, “Rekot piuhö aban
epop batin batapan.”



Pot hat aroposik rao rao helat zei
aropos ur edat aban lamap oraeh-bi
tav tav posik bitom kitī urat
kohat meehan lesuz
nakoe er horah.




Tahan Iesu etet
aban poriz homet
bat emah-pov pi
hodad tat epat
lamapun mañah,
“Erom, ne nim hori
tovai emooñ-poñ ok
ol haveteohö.” Iesu
parun pot mañat
aban lamapun pat,
“Ni bal hat
holorumet bat nim
zeitakaz sa.”



Tahapuh lesur mañairooh-abanari boutitak helat
havevozañ sohot lesu orat hehan
had ahov urahan haveo ñai tat
paru bamezapanez tahan, paru
lesu bazageri metat epat
mañah, “Deim ahop ae,
dari totoi havevok er horat
emiv elakaz tegig, ni
bal hat dei eñiz.”



Pot mañahan Iesu epat mañah, “Met rotap ari nemaz homeo aviam badae batat hezaek, ñai het tat neen okat nañeg.” Pot mañat bal hat havevor hadavon bon tapanez mañahan bon tahan haveo maot pim hehat ravah. Tahan paru agol atat pot parumam nae nap mañah, “Ai ui, hadavor havevon mañahan pim ñeo hatevetet zuam hahat tat bon tahag, aban epop tair heripuhö okat tah?”



Met God ari
hamarah hezariz
zakepiv ahoam tahapuh ne pim ro nenap
nemeehan eroh. Met tairaiz nemeehan
emoh hometunei, oñ añarab tairari
nemaz homeo badae batat hepane
pori tokat ñomat hori naravotü, oñ
pohazao tinam het hepan,
povoz homet
nemeehan
eroh.



Roma 3:23

Met non añamoh-epooroz kapot epat hez. Met dari Zudaholor añarab patari dari mapori hori ahoñ tovai emohot Godiz alizavok sat hekaz bapap tat hegiek tairari Iesu Kristoz homeo badae batat hez-poriz God epat homeamah, Met nem añarab tinari ravat ok hez, pot homeamah.

Roma 6:23

Met rotap añarab hori tamahari hañ horiv bovai sohopenezaek ñomat hori ravapan, oñ darim Amip Iesu Kristo ñomahan pinañ honeo ravegivoz homet, God darihö nao nametaek pohao tin het hekaz pov amauam anahan hez.

Ibru 9:27

Met ari hodad, dari añarab mapori honep honep honerah ñomamegiek, tokat God ñevok evizapan.



Epesas 2:8,9

Met darimauhö gog tin nao toogin masakao anat eñizah bon, oñ God pimauhö masak ahö pov amauam anat eñizahan Kristoz homeo badae bateg-porah pimeri maot ba avatah. Povo darimauz tameg-navoz homet darim abatañ rekot bat hel navatotü.

Roma 10:9,10

Met ni tairap nim loporih Kristo ñomahan God baval hah-pov barotap batat nim gizasikanañ, “lesu pop pi nem ahop ok,” pot modarin ourah mañookë, povoz pimop ba havatapanen ni pohao tin het hekez nonoroh sookë. Met rotap darim loporizaroh pimaz homeo badae batat honep honep, “lesu nem ahop ok,” pot modarin ourah mañamegin God darimaz, “Paru nemeri hañ horiv navotuzari ok,” pot hamah.



Zon 3:16,17

Met God ari hamarah hezariz zakepiv ahoam tahapuh ne pim ro nenap nemeehan eroh. Met tairaiz nemeehan emoh hometunei, oñ añarab tairari nemaz homeo badae batat hepanez pori tokat ñomat hori naravotü, oñ pohazao tinam het hepan, povoz homet nemeehan eroh. Met God ne pim rop ari añarab ñevok evizat hañiv etomaz nemeehan ev hamarah naer, oñ ari maot pimeri ba avatomaz hat nemeehan eroh.



1 Zon 5:11-13

Met Godiz ñetĩ rotap bat hekazao ev, Met pim rop meehan ev hamarah erat ñomahaek, pi dari pohazao tin het hekaz kapot ravat hez. Met paru tairari ro popunañ honeo het sat em tamah-pori tokat paru pohazao tin het hepanež nonoroh samah, oñ paru mod tairari pinañ honeo nakež-pori non tin pooroh paru nas. Met ñetĩ menamoh-epeñiz kapot arin bar añomaz ev toh. Met ari Godiz ropuz ñetiv bat hezari rotap pohazao tin het hepekez nonoroh hasameg, met ganö ari pot hodad nat hepek hezavoz homet ne ev menamoh.



Matiu 8-9; Mak 1-2, 4; Ruka 4, 8; Zon 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Kunimaipa NT (kup) © 2002, Wycliffe Bible
Translators, Inc. All rights reserved.

<https://live.bible.is/bible/KUPTBL/MAT/1>

©2026 Bible for Children, Inc.

www.M1914.org

www.bibleforchildren.org

